

## Tema e parë: Të lidhur në unitet

# Të lidhur në unitet

### Lutje

Falënderojmë Zotin që na bashkoi dhe lutemi për praninë e Zotit në këtë takim dhe udhëzimin e tij gjatë kësaj bisede.



### Njohja

Ne do ta përdorim këtë libër për të folur rreth asaj se çfarë do të thotë të jesh kishë së bashku. Por së pari është mirë të njihemi pak me mirë. Ju lutem, zgjidhni fjalën (që ka të bëjë me pjesën e të qenit kishë) që ju pëlqen më shumë:

- a. Adhurimi
- b. Lutjet
- c. Dëshmitë
- d. Leximi i Biblës
- e. Predikim
- f. Festimi i Darkës së Zotit
- g. Oferta
- h. Të qenë së bashku me besimtarët e tjerë
- i. Bekimi në fund të shërbesës

### Kisha: Të jesh së bashku dhe të shpërndarë.


Një herë në javë (zakonisht të dielën) mblidhemi si besimtarë në një shërbesë në kishë. Kjo duket si simboli i parë. Ne “izolohemi” për pak, këndojmë, lutemi dhe dëgjojmë Fjalën e Zotit. Adhurimi i Perëndisë së bashku dhe mësimi nga Bibla së bashku



FOKUSI

FOKUSI – Seria 2


www.fokusi.al



© FOKUSI,

forcon ndjenjën tonë të përkatësisë. Pavarësisht se sa të ndryshëm mund të jemi.

Pjesën tjetër të javës, ne si Kishë jemi të shpërndarë nëpër shoqëri. Ne shkojmë në shkollë ose punojmë për shembull si punëtorë ndërtimi, mësues, shitës, prindër, mjekë, roje, pastrues ose infermierë. Në ato momente nuk jemi bashkë si besimtarë por jemi të shpërndarë në shoqëri, ashtu si në simboli i dytë. Ne mund ta bëjmë punën tonë në emrin e Jezusit. Kështu i përdorim dhuratat dhe burimet tona për të gjithë shoqërinë.



Si të krishterë, ne përfaqësojmë Krishtin në vendin tonë të punës dhe në shoqëri. Ndonjëherë duhet kreativitet për ta bërë këtë në një mënyrë të mirë. Shpesh nuk ka udhëzime të qarta. Ndonjëherë mund të ndihemi sikur jemi vetëm. Kisha nuk na ndihmon gjithmonë në situata të tilla me një përgjigje të qartë se si të sillemi.

Nëse gjithçka shkon mirë, të dielave, kur jemi mbledhur së bashku si kishë, ne jemi të pajisur për të jetuar sipas besimit tonë. Gjithashtu gjatë punës sonë dhe takimeve tona me jobesimtarët. Jeta jonë në shoqëri ofron shumë mundësi për t'u treguar të tjerëve diçka për Jezusin. Aty takojmë shpesh lloj-lloj njerëzish që ende nuk e njohin Atë.

Në këtë libër ne fokusohemi te 'kisha e mbledhur', e cila i shërben Perëndisë në bashkësi me njëri-tjetrin. Në një kohë që gjithnjë e më shumë po i kushtohet vëmendje individit, është mirë që të mos mendoni vetëm për jetën tuaj. Kisha është diçka kolektive dhe jo vetëm diçka e një personi. Prandaj, uniteti që ne mund të përjetojmë në një kishë është tashmë një dëshmi për njerëzit që nuk besojnë. Nëse gjithçka shkon mirë, të tjerët do të shohin se ka unitet në kishën tonë. Pali shpesh shkruan për këtë në letrat e tij.



## Lexoni Biblën

**Efes 4:1-6, 11-16**

Unë, pra, i burgosuri për Zotin, ju bëj thirrje që të ecni denjësisht sipas thirrjes për të cilën u thirrët, 2 me çdo përulesi e zemërbutësi, me durim, duke e duruar njëri-tjetrin në dashuri, 3 duke u përpjekur të ruani unitetin e Frymës në lidhjen e paqes. 4 Është një trup i vetëm dhe një Frymë i vetëm, sikurse ju u thirrët në shpresën e vetme të thirrjes suaj. 5 Është një Zot i vetëm, një besim i vetëm, një pagëzim i vetëm, 6 një Perëndi i vetëm dhe Atë i të gjithëve, që është përmbi të gjithë, në mes të të gjithëve dhe në ju të gjithë.

11 Dhe ai vetë i dha disa si apostuj, të tjerë si profetë, të tjerë si ungjilltarë dhe të tjerë si barinj e mësues, 12 për përsosjen e shenjtorëve, për veprën e shërbimit dhe për ndërtimin e trupit të Krishtit, 13 derisa të arrijmë të gjithë te uniteti i besimit dhe të njohjes së Birit të Perëndisë, te një njeri i përsosur, në masën e shtatit të plotësisë së Krishtit, 14 që të mos jemi më foshnja, të lëkundur dhe të transportuar nga çdo erë doktrineje, nga mashtrimi i njerëzve, nga dinakëria e tyre nëpërmjet gënjeshtreve të gabimit, 15 por, duke thënë të vërtetën me dashuri, të rritemi në çdo gjë drejt atij që është kreu, Krishti. 16 Prej të cilit gjithë trupi, i lidhur mirë dhe i bashkuar, me anë të kontributit që jep çdo gjymtyrë dhe sipas forcës së çdo pjese të veçantë, shkakton rritjen e trupit, për ndërtimin e vetes së tij në dashuri.





### Pyetja 1

Pali flet për kishën si trupi i Krishtit.

- Çfarë gjymtyrësh ka një trup?
- Kush në kishën tuaj është pak a shumë si një "kokë", apo një "dorë", një "gojë", një "këmbë", një "sy"?
- Cila pjesë e trupit e përshkruan më mirë rolin tuaj personale në kishë?

### Letra e Efesianëve

Pali ndoshta e shkroi këtë letër në vitin 60 pas Krishtit, kur ishte në arrest shtëpiak në Romë. Prandaj në fjalët hyrëse ai e quan veten të burgosur (v. 1). Kjo letër drejtuar kishës në Efes nuk ka të bëjë me gabime të veçanta në kishë, është më shumë një udhëzim i përgjithshëm rreth mësimëve dhe qëllimeve të larta që Perëndia ka vendosur për kishën.

Në tre kapitujt e parë, Pali flet për atë që Perëndia ka bërë nëpërmjet Krishtit: Ai ka formuar një popull të ri - hebrenj dhe johebrej të bashkuar, Ai ka shembur murin e ndarjes që i kishte ndarë (2:14) dhe i kishte vënë të dy "në një trup të vetëm, të pajtuar me Perëndinë" (2:16). Nga kapitulli i katërt ai përshkruan se si mund t'i përgjigjemi kësaj me jetën tonë. Ky është një urdhër i rëndësishëm: theksi nuk është në përpjekjet tona, por në atë që Perëndia ka bërë në Krishtin. "Me hirin je i shpëtuar" (2:4). Pali lutet që Krishti të banojë në ne nëpërmjet besimit (3:17). Dhe kjo lidhje me Krishtin na bën njerëz të ndryshëm.

### Unitet

Pali thotë se thirrja e Perëndisë kërkon një mënyrë jetese që përputhet me të (v. 1): përulësi, butësi, durim, dhe dashuri (v. 2). Kjo forcon lidhjen dhe unitetin në kishë (v. 3). Ne nuk mund ta organizojmë vetë atë unitet, Perëndia na bën një nëpërmjet Frymës së tij. Kisha është vendi ku Zoti na ka dhënë njëri-tjetrit, na ka lidhur bashkë. Një imazh i bukur është imazhi i një trupi (v. 4). Të gjitha gjymtyrët janë të pandashme (1 Kor 12:12-30). Pali e themelon këtë unitet edhe më thellë: në vetë Perëndinë trini: një Frymë, një Zot (Kyrios, që është Krishti), një Perëndi dhe Atë (v. 6). Të krishterët janë të bashkuar në një shpresë të së ardhmes me Krishtin (v. 4), në një



besim dhe një pagëzim (v. 5). Në total ai e përdor fjalën “një” shtatë herë. Nuk mund ta theksosh më fort unitetin e kishës.



## Pyetja 2

Pagëzimi i lidh besimtarët me Krishtin dhe në të njëjtën kohë me anëtarët e tjerë të Kishës.

- Sa kohë më parë u pagëzuat?
- Çfarë do të thotë për ju që jeni pagëzuar?
- Si e përjetoni lidhjen me të tjerët brenda kishës suaj?

## Pyetja 3

Fryma e Zotit jep unitet, por edhe ne duhet të bashkëpunojmë për këtë. Në disa kisha ka pak lidhje dhe besimtarët pak a shumë jetojnë jetën e tyre.

Shikoni fotot e trupit. Në figurën 1, pjesët e trupit janë të lidhura. Në foton 2 ato nuk janë të lidhura.

- A është kisha juaj e krahasueshme me figurën 1 ose 2?
- Cilat janë pengesat apo sfidat më të mëdha për unitetin brenda kishës suaj?
- Jepni disa shembuj.



FOKUSI

FOKUSI – Seria 2

www.fokusi.al

© FOKUSI,